

FUSA KYRKJEBLAD

Nr. 6

Advent 2020

Årgang 86 år

Alltid større

I opphavet var Logos,
og Ordet var hos Gud
og Ordet var Gud

Gud gav menneska
orda og dei kunne tala saman
men orda var for små
til å skildra han.

Men Moses våga å spørja:
Når nokon spør etter gudsnamnet,
kva skal eg då svara?
«Eg er den eg er.
Eg er har sendt meg til dykk»

Då tida var fullkomen, sende EG ER
son sin.
Og Ordet vart kjøt
og tok bustad imellom oss
og vi såg Hans herlegdom
full av nåde og sanning

Menneskesonen
har synt oss kven EG ER.

Menneskeorda er som briller med minus

EG ER er alltid større enn tenkjaren tenkjer
EG ER er alltid større enn presten preikar
EG ER er alltid større enn vitskapen veit

Men kva gjer det når du og eg er elska av
EG ER,
slik som du og eg er.

Då vert me og alle andre i verda utruleg
Verdfulle.

Det er berre å ta imot i tru.

Gledeleg Jul!

Dikt og bilete "Inkarnasjon II"
av Anders Holmefjord

Dette nummeret av kyrkjebladet gjekk i trykken akkurat når dei nye covid19 restriksjonane kom i november. På grunn av dette er mange av arrangementa som er omtala i dette bladet usikre. Det kan på kort varsel bli endringar i alle arrangement kyrkja steller i stand. Følg med på Fusa sokn si Facebook-side og i lokalpressa. I alle arrangement som går som planlagt vert det lagt til rette for godt smittevern.

FUSA sokn Fusa kyrkjekontor

FJORD'N SENTER 2. HØGDA
Postboks 73, 5649 Eikelandssosen
Tlf. 56 58 01 81
E-post: post.fusa@kyrkja.no

Kontortid

Mandag - fredag kl.09.00-14.00
Prest og organist har fridag måndag.

Sokneprest

Einar Ekerhovd 91 38 29 64

Fung. kyrkjeverje

Harald Geir Sæther 41 66 20 90

Dagleg leiar

Hans Einar Markhus 95 93 65 80

Trusopplæring

Stefan André H. Svendsen 98 42 11 17

Petra Dahlström 95 52 96 30

Norunn Rød Markhus Permisjon

Konsulent

Endre Tveit 90 24 41 52

Medarbeidarkoordinator

Hartvig Haugen 97 01 35 94

Kantor

Iman de Zwart 95 03 93 33

Soknerådsleiar

Roald Samnøy 41 33 36 25

Kyrkjetenarar

FUSA KYRKJE

Rianne de Zwart 46 68 03 96

STRANDVIK KYRKJE

Rianne de Zwart 46 68 03 96

HÅLANDSDAL KYRKJE

Terje Rød 48 25 56 46

SUNDEVOR KYRKJE

Øyvind Nordbø 48 30 52 59

SÆVAREID KAPELL

Terje Rød 48 25 56 46

Gåver til kyrkjelydsarbeidet
kan sendast Fusa sokneråd,
bankgiro: 3530 25 86215
eller VIPPS #90436

FUSA KYRKJEBLAD

Postboks 73, 5649 Eikelandssosen

Ansvarleg redaktør:

Leiar i Fusa sokneråd Roald Samnøy.

Konto for kyrkjebladet:

3530 25 86215

Bladpengar er kr. 250,- pr. år

Utanbygds kr. 350,- pr. år

REDAKSJONSNEMND:

Hans Einar Markhus

Toril Hjartåker Hauge

“Men krubba passar ikkje lenger.....??”



Norunn Rød Markhus

Det er snart 1. søndag i advent. Julemat og nissar, juletre og julelys er allereie “gammalt nytt.” Midt i alt dette er kyrkja sitt oppdrag og ynskje på nytt å halda fram historia om barnet, krubba, englesongen, gjetarane og kongane. Også denne forteljinga er “gammalt nytt.”

Det er utfordrande å kvart år leite etter nye perspektiv i juleevangeliet. For at forteljinga skal fått nytt liv er likevel dette naudsynt. Ein detalj som eg ikkje har gjennomtenkt i så stor grad før, har eg likevel klart å finne i den gamle historia. Det nye perspektivet fekk eg etter ein handletur med yngstejenta: I ein handlesenterinngang beundra me, berre for nokre dagar sidan, ein juledekorasjon med både julelys, juletre, nydelege blomar, reinsdyr og snø. Det var verkeleg eit flott skue! Me tilbrakte eit lite heilagt minutt framfor kreasjonen før me hasta vidare. Skal tru om det ikkje er slik mange av oss forhold oss til juleevangeliet også? Barnet i krubba er så vakkert, foreldra er både modige og gode forbilder, englesongen er himmelsk og jammen får barnet besøk av både høg og lav. Ja, det er ei vakker forteljing.....men så hastar me vidare med dei daglege gjeremåla våre.....

I år har eg lagt særskilt merke til gjetarane i juleevangeliet. For kva gjer dei? Dei oppsøker barnet som englane song om og finn barnet i krubba i stallen. Men dei gjer meir; *dei kneler ned ved krubba, framfor barnet.* Denne adventstida vil eg ikkje berre beundre barnet i krubba men også knele ned; lese i Bibelen, syngje gamle og nye julesongar, be, oppsøkje fellesskapet i kyrkja, ta imot nattverd. Om eg, - og du, ikkje berre beundrer krubba frå utsida, men vågar “å knele ned” trur eg me vil bli betre kjent med Han som var der då verda me bur i vart skapt, me vil finne ut “at krubba ikkje passar lenger,” at barnet vart mann, at krubba vart kors, at livet vant over døden, at lyset er sterkare enn mørket. Skaparen vart ein skapning- fordi han elsker alle menneske.

*“Frå krubba til krossen gjekk vegen for deg,
slik opna du porten til himlen for meg.
Velsign oss, ver med oss, gje ljøs på vår veg,
så alle kan samlast i himlen hjå deg.”*

Vers 3, “Ei krubbe var vogga”

Norunn



Jesus blir fødd

I dei dagane lét keisar Augustus lysa ut at det skulle takast manntal over heile verda. Dette var første gongen dei tok manntal, og det hende medan Kvirinius var landshovding i Syria. Då fór alle heim, kvar til sin by, og skulle skriva seg i manntalet.

Også Josef drog då frå byen Nasaret i Galilea og opp til Judea, til Davidsbyen, som heiter Betlehem, for han hørde til Davids hus og ætt, og skulle skriva seg der saman med Maria, som han var trulova med. Ho venta då barn. 6 Og medan dei var der, kom tida då ho skulle føda, og ho fekk son sin, den førstefødde; ho sveipte han og la han i ei krubbe, for dei fann ikkje husrom nokon stad.

Det var nokre gjetarar der i området som var ute på markene og heldt vakt over flokken sin om natta. Med eitt stod ein Herrens engel framfor dei, og Herrens herlegdom lyste kringom dei. Då vart dei gripne av stor redsle. Men engelen sa til dei: «Ver ikkje redde! Sjå, eg kjem til dykk med bod om ei stor glede, ei glede for heile folket. I dag er det fødd dykk ein frelsar i Davids by. Han er Messias, Herren. Og det skal de ha til teikn: De skal finna eit barn som er sveipt og ligg i ei krubbe.» Brått var det ein stor himmelhær saman med engelen; dei lova Gud og song:

«Ære vere Gud i det høgste,
og fred på jorda
blant menneske som Gud har glede i!»

Då englane hadde fare tilbake til himmelen, sa gjetarane til kvarandre: «Lat oss gå inn til Betlehem og sjå dette som har hendt, det som Herren har kunngjort for oss.» Så skunda dei seg dit og fann Maria og Josef og det vesle barnet som låg i krubba. Då dei fekk sjå det, fortalde dei alt som hadde vorte sagt dei om dette barnet. Alle som hørde på, undra seg over det gjetarane fortalde. Men Maria gøymde alt dette i hjartet sitt og grunda på det. Og gjetarane vende tilbake. Dei lova og prisa Gud for alt dei hadde høyrte og sett; alt var slik som det var sagt dei.

Lukas 2,1-20



14 av i dei gjenlevande 17 konfirmantane i Hålandsdalen hausten 1960 var til stades på gudstensta i Hålandsdalen kyrkje søndag 25.oktober for å markera 60-års-jubileum som konfirmant. Det vart tent lys til minne om dei 8 i kullet som ikkje lever lenger. Etter gudstenesta hadde gjengen ei fin samling på Eikelandsosen bedehus med mimring, kaffi og hygge.

I gudstenesta heldt ein av jubilantane, Lars Arne Markhus, ei ei helsing til kyrkjelyden, med tilbakeblikk på konfirmasjonen «den gang då»:

60 års-konfirmant i Hålandsdalen kyrkje 2020



Bak frå venstre: Kjell Olav Bruland, Øystein Bjørkheim, Lars Arne Markhus, Leiv Rød, Hans Andreas Nybø, Edvin Jostein Tombre, Samson Olai Håland og Gitle Emil Ragnhildstveit.

Framme frå venstre: Magny Rusås Fields, Lillian Ovidia Mjånes Haga, Alma Karin Gaustadnes Gytre, Svanhild Skår Drøsdal, Eldfrid Tveitnes Birkeland.

[Harald Bjørndal var også til stades i kyrkja, men ikkje då bilete vart teke]

Konfirmasjonsførebuinga

starta sommaren 1960 etter at skulen slutta. Hugsar at det var ein svært varm sommar, og det var bra, for vi frå Sævareid sykla dei 14 kilometerane til og frå Holdhus på konfirmantundervisning. Vegene frå Sævareid var ganske ny og mange fekk sykkel for anledninga, og nokon måtte låna.

Eg synes det var spennande å møta folket i Hålandsdalen. Vi visste ikkje kva slags typar det var som budde der, så vi måtte berre «hoppa i det». Det var ikkje noko førebuing på nokon måte.


Presten Skauge var svært tålmodig og snill, men vi var snille vi og, så han hadde ikkje noko disiplinærproblem (trur eg, som var så snill sjølv). Men vi prøvde å lura presten når vi skulle framføra salmevers utanåt.

Undervisninga var på skulen på Holdhus, men vi var og innom gamlekyrkja og på galleriet i Eide-kyrkja der Lars Holdhus snakka om orgelet og litt om gangen i ei gudsteneste (liturgien).

Konfirmasjonsdagen

hausten 1960 vart ein spesiell dag, med mykje spenning. Eg personleg var svært nervøs. Korleis skulle det gå når vi stod på kyrkjegolvet og presten kom med spørsmåla sine? Vi var nok spente alle 25, 10 jenter og 15 gutar.

På førehand hadde eg fått hatt, frakk, dress og paraply, så alt det ytre var i «skjønneste orden», men vi synes det var litt rart at dei fine kleda våre skulle skjulast av ei kvit kappe. Trur vi var dei første som fekk kapper på oss. Vi fekk tildelt plassar i midtgangen i kyrkja, gutane på den eine sida og jentene på den andre, og vi stod et-



«Dagar i desember» - juledikt frå Anders Holmeffjord

Anders Holmeffjord har i desse dagar gjeve ut boka «Dagar i desember», ei diktsamling med julevers. Dei 32 juledikta som har fått plass i boka har blitt til gjennom dei siste 40 åra, og til kvart dikt er det knytt eit illustrasjonsbilete. Desse har Anders anten teke med kamera eller det er akrylmåleri han har måla sjølv.

Boka er gjeven ut av Anders sjølv gjennom Alpha forlag. Den er ei flott julegåve!

Du får kjøpt boka direkte hos Anders (aasand@fusi.no), på Welcome Home på Fjorden senter eller på kyrkjekontoret. Den kostar kr. 220,- og overskottet går til Ungdom i Oppdrag sitt misjonsarbeid v/Helga og Rod Lobaugh.

ter storleiken, dei største først, så eg kom til sist.

Presten stilte spørsmål, men gjekk fort vidare til neste dersom konfirmanten var usikker på svaret. Skauge var ein mild prest.

Eg trur at dei fleste hadde selskap heime etter at seremonien i kyrkja var ferdig. Då var det nok slik som no at den næraste familien og fadrane var samla til mat og hygge, og konfirmanten fekk utdelt gaver og kort. Men det var ikkje dei store pengegåvene slik som no. Av større ting fekk eg fotoapparat og klokke i tillegg til kleda som eg alt har nemnt. At dette er 60 år sidan, er knapt til å tru.

SONGBUKETTEN

er for barn i alle aldrar, vanlegvis er me mellom 10-13 barn. Vi samlast på Nordtveit bedehus annakvar måndag kl. 17.30- 18.30. Her er det song, teikning, konkurransar og andakt. Nokre gongar blir det også eksperiment av professor Proff og hoppeslott, som her på bilete.

Nett no har me teke juleferie, men **alle barn i søre Fusa er velkomne på Songbuketten etter nyttår!**

Venleg helsing leiarane,

Bente Sundfjord, 95236278, Stefan Høysæter Svendsen, 98421117



Test-deg-sjølv-QUIZ -Jesu fødsel



1. Kva er dei 4 viktigaste kjeldene som fortel om Jesus?
2. Kva to kjelder fortel om Jesu fødsel?
3. Den kanskje viktigaste er det me kallar «Juleevangeliet». Kvar står det?
4. Når vart Jesus født?
5. Kvifor var Josef og Maria i Betlehem?
6. Kven var «dei tre vise menn»?
7. Kvifor fekk han namnet Jesus og når fekk han det?
8. Kva betyr namnet Jesus?

Svar:
1. Evangelia etter Matteus, Markus, Lukas og Johannes. 2. Evangelia etter Matteus og Lukas. 3. Lukas 2,1-20. 4. Det mest sannsynlege er ca. år 4. f.kr., medan kong Herodes styrde. 5. Fordi det var folketelling i Rommariket, og Josef si slekt kom frå Betlehem. 6. Matteusevangeliet fortel at det var vise menn frå Austen. Det står ikkje noko om at dei var tre, men det står om tre gæver dei hadde med til Jesus. 7. Ein engel sa det til Josef i ein draum. (Matt. 1,21). 8. Jesus betyr «Gud frelsar/reddar meg»

Open kyrkje i Hålandsdalen

Onsdag 25. november blir det open kyrkje i Hålandsdalen kl. 18.00-19.00. Her kan ein tenne lys, sitje stille i ein benk og vere med å syngja adventsalmar med kantor Iman de Zwarte ved orgelet. Anders Holme-fjord vert med og les juledikt frå den nye boka si, «Dagar i desember».

Kl. 17.30-18.00 er det høve til å bli med på bønesamling i kyrkja.



Smilekroken:

I denne første utgåva av «Smilekroken» let me Ole Bjørn Eike-land, Smilekroken sin opphavs-mann», få starta med ein liten stubbe. Den er kanskje litt utan-for sesong, men underfundig og attkjennande for både bønder og andre:

Bonden måtte i slåttonna ta søn-dagen til hjelp for å få tørrhøyet i hus. Presten kom forbi, og såg dette, med følgjande kommentar: «Jeg ser at bonden arbeider på hviledagen. Skulle han ikke holde hviledagen hellig?»

«Jau jau, eg veit no da, prest. Men, men dei melde regn..... og eg kjøre no småe lass!»





Alternative g veid ar st tt gode saker!

HJELP BRANNSKADDE BORN I ETIOPIA!

Du kan k pe g vekort b de p  Bruktbuo og p  kyrkjekontoret. Du bestemmer sj lv prisen p  g vekortet di vil gje, men minimum kr.100,- pr kort. Alle midlane som kjem inn g r til Children Burn & Wound Care Foundation, (C-BWCF) – arbeidet som dr Einar Eriksen driv i Etiopia. Pengane g r i all hovudsak til operasjon av born, og dessutan til oppl ring av lokalt helsepersonell. Du kan lese meir p  side 16-18.



BOK PREGA AV FUSINGAR - EI SPANANDE G VE!

Visste du at der er minst 150 namn p  Gud i Bibelen? Boka kan sj lvsagt lesast fr  perm til perm, men den kan ogs  vere som ei oppslagsbok. I 15 namn p  Gud er omtala i boka, og i alfabetisk rekkef lgje. Boka er illustrert med meir enn 100 teikningar som Oline og Norunn R d Markhus har laga! Namnet p  boka er «Dine namn er som diamantar, Gud». Forfattar er Ove-Kjell Sakseid, busett i Norheimsund. Pris: kr.250,- pr bok. Forfattaren  nskjer at kr.100,- skal g  til barne- og ungdomsarbeidet i kyrkjelyden. Boka f r du k pt p  kyrkjekontoret.



Fusa-CD og julekort

Du kan k pe Fusa CD-en for kr.150,-. Alle inntekter g r til brannskadde born i Etiopia. Den ligg for sal i Bruktbuo og p  kyrkjekontoret.

Julekort kan du ogs  k pe. Pris kr.10,-, og pakken inneheld fire julekort.



FUSAKALENDEREN 2021

Du kan k pe Fusakalenderen p  kyrkjekontoret. Pris kr.100,-. Det kan sj  ut som om fleire k per den til julehelsing – ein god ide! Alle inntekter g r til barne- og ungdomsarbeidet i kyrkjelyden. Bilete i  r er fr  Skorafjellstj rna i Holmefjordfjella. Fotograf er Anne-Siv Sk thun Berge.



Digitale julegaver!

Det ligg ingen giro med i dette bladet. Jula er uansett ei tid for gåver, og det er mange gode prosjekt og føremål knytt til soknet vårt. Du er velkommen til å gje ei pengegave til fleire gode føremål:

Støtt Fusa sokn sitt barne- og ungdomsarbeid!

Når du gjer det er du med på å bidra til at me får eit godt konfirman-topplegg og eit trusopplæringstilbod til alle aldersgrupper. Dette er til dømes dåpshelsingar på eit og to-års dåpsdag, julekalenderbok til 3-åringar, bibelbok til 4-åringar, kors-smykke til 5-åringar, dåpsku-

le-tilbod til 6-åringar, Tårnagentdag for 7 og 8-åringar, Misjonstivoli for 9 og 10-åringar, LysVåken-helg for 11 og 12-åringar, Ungdomsalpha og leiartrening for ungdom, SoulChildren kor og SubUrban dansegruppe, Barnekor, skule- og barnehage-samarbeid m.m.



Fusa sokn har dei siste 7 åra vore viktig støttepartner til organisasjonen **Children Burn and Wound Care Foundation**. Dette er Dr. Einar Eriksen og hans medhjelparar sitt arbeid med barnskadde barn i Etiopia. Fusa sokn støttar dette diakonale arbeidet gjennom Bruktbua og engasjementet der, gjennom mosjonsløpet «Walk & Run» og gjennom andre innsamlingar gjennom året. Soknet har arrangert fleire turar til Etiopia og sett arbeidet – **me ser at pengane kjem fram og det nyttar!**



Mita 2 1/2 år er eit av mange opererte born sist haust. Alle såra ho hadde på magen og i lysken har grodd fint.

Fusa sokn sitt misjonsprosjekt er elevstipend til Tabor Evangelical College i Etiopia. Tabor er Mechane Yesus-kyrkja i Etiopia sin utdannings-institusjon der ein utdannar evangelistar og prestar til teneste i sin lokale kyrkjelyd rundt omkring i heile Etiopia. Desse kjem ofte frå fattige kår og lokalkyrkjelydane har gjerne ikkje råd til å betala skulepengar og opphald - sjølv om dei sårt treng prestar og evangelistar i ei raskt veksande kyrkje. Dette hjelper me dei med!



DU KAN GJE TIL ALT DETTE ved å bruke Fusa sokn sin VIPPS (nr. 90436) eller bruke konto nr. 3530.25.86215. Merk kva gáva skal gå til.



Intervju med Anne Sofie Martinsen:

Leiar i ope landskap

I over ein mannsalder har Anne Martinsen budd i kommunen vår. Her har ho sett sine tydelege spor, både i terreng og i samfunnsliv. Folk kjenner ho frå ulike felt, men alltid som eit myndig og målretta menneske. I løpet av si tid som politkar, mottok ho kun to telefonar frå folk som prøvde å påverka ho. Dei fleste tenkte nok at den dama greier eg ikkje å rikka. Midt i alt ho har brukt kreftene og visjonane sine på, er det eitt som står hennar hjarta nærast, og det er leirskulelivet, konkretisert i Hålandsdalen leirskole.

Tekst: Toril Hjartåker Hauge

«Salige visshet...»

Det er lett å få det for seg at livsvegen til Anne var staka ut alt før ho vart fødd, for dette var det som møtte henne då ho kom inn i verda: To foreldre som var lærarar og friluftsentusiastar, ein morfar som også var lærar og ei mormor som til og med var rektor ved Hellen skole i Bergen og pioner på leirskulepedagogikk. Det var denne mormora Anne fekk sitt andre fornamn ifrå.

Også mormor Sofie Holen hadde skule og leiarskap i blodet frå starten av. Ho var dotterdotter av Anders Jonson Tvedt, kyrkjesongar og skulehaldar i Strandvik siste halvdel av 1800-talet. Han starta si lærargjering som femtenåring, og året etter fekk han følgjande skussmål frå sokneprest Rolf Olsen: Han «røber ey alene Lyst og Flid, men Alvor og Kraft, forenet med Orden og Sædelighed.». Med ein slik biologisk og sosial ballast kan ein altså lett tru at Anne sikta seg inn på eit liv som leirskulerektor frå den stunda ho fyrst opna augo, men «Nei,» seier ho bestemt. «Det var landskapsarkitekt eg ville bli.»



Anne har hatt fem hundar. Denne ho har no, kallar ho Martin, og forklarar namnet slik: «Alle i hans kull vart kalla opp etter bilar, og dette er altså ein kraftig Aston Martin.» Kvifor det er siste del av namnet som er i bruk, ikkje det fyrste, forklarar fru rektor Martinsen ikkje. Det kan vera tilfeldig. Foto: Privat.

Så laga det seg likevel så fint at ho mangla eitt poeng på å koma inn på Landbrukshøgskulen. Mens ho las for å få tak i det eine poenget, tok ho på seg nokre vikartimar, og dermed var det gjort: Ho fekk smaken på læreryrket.

”

«Eg vil møte elevane der dei er, og få alle til å føla meistring og at dei lykkast.»

Det betydde på ingen måte at ho gav slepp på naturen. Skulle ho fyrst vera pedagog, skulle det ikkje vera inne i eit klasserom; ho ville ut i det opne landskapet og gjera jobben på ein leirskule. Frå 1977 har ho undervist og frå 2002 har ho leia Hålandsdalen leirskole, og ho seier at «alt eg trudde og håpte på då eg kom hit, er blitt realitet.» I lang tid har leirskulen arbeidd for å fremja ska-

parglede, utforskartrøng og respekt for naturen hos dei unge. I haust er desse verdiane også komne inn som overordna mål i Fagfornyninga, den nye læreplanen som gjeld alle offentlege skular i landet. «Her på leirskulen treng me ikkje gjera store endringar,» seier Anne. «Me er der alt.» Når eg spør om det ikkje er noko ho enno har ugjort i skulevesenet, er det berre eit par praktiske saker ho kjem på: «Kjøl- og frysessystemet skal oppgraderast. Det same må reinseanlegget». Pedagogisk sett er ho og skulen heilt på plass.

«Han er min glede, han er min sang.»

Det er tydeleg at skulen, og særleg leirskulen, er heime for Anne, og har vore det meir eller mindre heile livet. Kan ho seia det same om kyrkja? lurer eg på. Er ho fødd inn i den og? «Ja, eg kjem frå ein kristen heim,» svarer ho. «Kyrkja har alltid vore ein



naturleg del av livet.» Mor bad kveldsbøn, søskenflokket gikk på søndagskule, og i ungdomen var Anne aktiv i det kristne miljøet rundt Fana kyrkje. «Det er frå KFUK KFUM – Kristelig Forening for Unge Kvinner og Menn - eg har mine røter. Eg var med i styre og stell i Fana kristelege ungdomsklubb, og då eg byrja på lærarskulen i Volda, vart eg leiari i klubben der.» «Men songkoret Skruk kom eg meg ikkje inn i. Eg var ikkje sunnmøring,» skjemtar ho. «Ikkje hadde eg stemme til det heller, for den del. Røysta mi var god nok til å bli tatt opp som lærarstudent, - det var nemleg krav om at ein lærar skulle kunna syngja nokolunde reint -, men det heldt ikkje til det vidgjetne koret. Likevel: Eg har alltid vore fascinert av salmar. Det finst så mange gode tekstar, for eksempel den nydelege «Salige visshet.» Den salmen er skriven i 1873 av amerikanaren Fanny Crosby. Ho tilhørte den metodistiske kyrkja, ei trusretning Anne sjølv kjenner frå si tid i USA. I perioden 1980-81 studerte og underviste ho nemleg der og lærte mykje som er fundament for leirskulen den dag i dag. Også Crosby var lærar. Som barn vart ho blind, men det hindra ho ikkje i å bli verken pedagog eller diktar; mange tusen salmar skreiv ho. Her i Noreg er det nettopp «Blessed assurance» som er mest kjend, omsett i 1909 til «Salige visshet, Jesus er min».

«Salige visshet: Jesus er min!
Han er min hyrde, kaller meg sin.
Salige visshet! Allting er vell!
Jesus har kjøpt meg, legem og sjel!

Han er min glede, han er min sang.
Ham vil jeg prise, livsdagen lang.
Ham skal jeg evig love hos Gud,
Han er min brudgom, jeg er hans
brud.»

Norsk Salmebok, nummer 492

Leiar-erfaringa Anne hadde frå det kristne ungdomsarbeidet, fekk ho bruk for også etter at ho hadde etablert seg i Fusa. Ho blei mellom anna med i Hålandsdalen sokneråd og dreiv ungdomsklubben i soknet



«**ey alene Lyst og Flid, men Alvor og Kraft, forenet med Orden og Sædelighed.**» Sokneprest Rolf Olsens ord om Annes tippoldefar Anders i 1858, sitert i Skaathun, O.B., Soga for Fusa, Hålandsdal og Strandvik b. I (1961). Orda kan nok brukast om fleire i den slekta. Foto: Privat.

saman med Nils Otto Myrliid. Då kyrkjelova i 1996 kravde at alle sokn skulle vera eigne juridiske einingar, var det fornuftig å slå saman dei fire sokna i Fusa prestegjeld - Fusa, Hålandsdalen, Strandvik og Sundvor - til eitt. Anne og kyrkjevevja Harald Geir Sæther styrte mykje av det arbeidet, og då det nye soknet og fellesrådet var på plass i 1998, vart Anne den fyrste leiaren. Det vervet hadde ho i åtte år.

Eit anna synleg spor Anne har late etter seg i sitt kyrkjelege arbeid, er Fusa-kalenderen. Ho og ei rekkje andre driftige damer danna Kyrkjeleg kvinnegruppe. Dei ville finna ein måte å samla inn pengar til barne- og ungdomsarbeidet på. Å laga og selja kalendrar kom opp som ein idé, men kvar skulle dei finna midlar til trykking? Freidige som dei var, garanterte dei sjølve for kostnaden på om lag 12 000,-, og tradisjonen var i gang. Fyrste kalenderen heng på ein av Annes stoveveggar. Den har motiv frå Kjerringafjell, og det er Annes bror som står i silhuett og skodar utover skoddehavet. Dette var i 1986. Sidan er det laga 34 Fusa-kalendrar som til saman er selde for bortimot 2,1 millionar kroner brutto. Det må kunna kallast ein fruktbar idé, den kvinnene kom på og sette i verk.

«**Allting er godt!**»

Frå det praktiske til det mirakuløse,

«Eg prioriterer ein tur med hunden framfor konstant nyvaska hus.»

det som gjer kyrkja til kyrkje: Gud vart menneske. Me nærmar oss jul! Frå midten av november og ut året er det jule-leirskular i Hålandsdalen, difor blir eg litt forbausa når Anne seier ho ikkje bryr seg så mykje om alt levenet omkring høgtida. «Høgtida står godt på eigne bein utan alt ståket rundt ho. Eg trivst best i kvardagen. Verken eg eller familien min lagar mykje oppstuss med jula. Me held det nøkternt og tar vare på det næraste, på samhaldet! Me kan sjå på kvarandre og spørja: Treng me julekaker?» Ho trekkjer på skuldrane. «Nei, me liker i grunnen best bollar. Jaja, krumkaker må me no ha.» Og for eigen del kan ho spørja seg «**Treng eg å støvsuga? Tja...**» For ein gongs skuld landar ho ikkje på eit fast svar der, så det må forbli uvisst om golvet til Anne blir vaska eller støvsoge før ho set seg ned julekvelden, men poenget får Anne fram: «Kvardagen er god!» Me treng ikkje streva for eller lata som at alt er perfekt for å vera nøgd med livet. «Eg prioriterer ein tur med hunden framfor konstant nyvaska hus.»

Også dette har salmen til Crosby i seg, glede over kvardagen: «All things


Forts. neste side



are well!» - «Allting er godt.» På ein vanleg måndagskveld har Anne sjokoladecake og is etter middagen. Ja, er ikkje det fast ordning på leirskulen òg, at dessert må til? Det går gjetord om maten på leirskulen. Ungdomar minnest han årevis, så eg ber Anne om å dela ei oppskrift frå kjøkenet der oppe. Ho tenkjer seg ikkje lenge om her heller. «Då må det bli farmor sitt julebrød,» seier ho. «Bestemor budde i Oslo, og ho sa alltid: «**Julebrød som er godt, fortjener smør, julebrød som er tørt, trenger det.** Og pass på: Ho sa **smør**, ikkje margarin.» Dei er visst mykje som oss menneske, desse julebrøda.

Det enkelte mennesket, den enkelte ungdom, den enkelte elev. Mellom alle mål og prosjekt Anne Martinsen har og har hatt, er det dette ho sjølv legg størst vekt på: «Eg vil møte elevane der dei er, og få alle til å føla meistring og at dei lykkast. Leirskulen er ein fantastisk arena for slik visjon. Kvar og ein skal få oppleva «Læring for livet.»»

Julebrød



Slik lagar du 2 julebrød:

- 1 kg kveitemjøl
- 2 hg sukker
- 2 ts kardemomme

} Blandast

- 1 pakke rosiner
- 1 pakke aprikat
- 1 pakke gjær

} Blandast i mjølet

- ½ l mjølk → løysast opp
- 150 g smør → smeltast

Julebrødet skal steikast i ca. ½ time ved 210 °C.

«Julebrød som er godt, fortjener smør, julebrød som er tørt, trenger smør»

(sa Anne si bestemor alltid)

Foto: Privat.



STRANDVIK
Transport og Maskin AS

• 5643 STRANDVIK • strandvik.no • dulten@online.no
F 56 58 21 11 • 918 44 000 • 900 12 126 • 918 18 592

Misjonsmessa/Digitale aksjonsdagar

Den årlege Misjonsmessa som Fusa NLM plar arrangera på Eikelandssosen bedehus midt i november, blir ikkje gjennomført p.g.a. pandemien. **MEN:** Du har høve til å bli med å bidra likevel!

I perioden 20. – 30. november er det aksjonsdagar, d.v.s. innsamlingsaksjon i Fusa til støtte for NLM sitt arbeid. Set du inn pengar på konto nr. 3420.20.09141 eller via VIPPS til 130648 i denne perioden, er du med på dette! Då støttar du NLM sitt misjonsarbeid i heile verda, m.a. innan helsearbeid, barn- og ungdom, utdanning, bibeloversetjing og evangeliseringsarbeid mellom dei minst nådde folkegruppene i verda. Støtte NLM!

På førehand takk for gåva.

Fusa NLM v/Misjonsmessekomiteen




Prosjektering
Rehabilitering
Nybygg

TA KONTAKT MED

BYGGMESTER



SVENN C. STORUM

☎ 951 56 327 storum@fusi.no

Malerfirma

Kenneth Samnøen

5640 Eikelandssosen

Alt innen malerarbeid og tapetsering



Tlf. 90 80 15 38



Selvstendig Herbalife Medlem

Med produkter for:

- vektkontroll
- vitalitet og overskudd
- kosttilskudd for trening og idrett
- hud- og kroppspleie
- inn- og utvendig ernæring

TA VARE PÅ HELSA DI !

Spør etter gratis prøvepakke, uten forpliktelser.

Ring: 924 94 169
SIGNE GANGSTØ
E-post: famgang@fusi.no
www.signeg.goherbalife.com/nn-no



Matgåve til jul – Matglede til jul

VIL DU VERA med å gleda nokon til jul?

Ved å gje ei matgåve støttar du familiar i lokalmiljøet som ikkje har så mykje å rutte med. I perioden 30. november til 16. desember vil det stå ei handlevogn utanfor Spar på Fjord'n senter. Ein kan gje matvarer i vogna, putte pengar i bøssa, eller vippse ein sum som vert brukt til å kjøpe inn ferskvarer. Gåva vil kome godt med til familiar som treng det.

VIPPS: 90436 (marker med «matgåve»)

*Med venleg helsing Fjord'n senter, Nav Bjørnafjorden,
Fusa sokneråd og Fusa Frivilligsentral*



Victoria er tilbake på sentralen

Etter om lag eit år morspermisjon er Victoria Tverli Dale tilbake som dagleg leiar i Fusa Frivilligsentral. Ho og Aleksander vart foreldre til Kasper for eit år sidan, og tida som heimeverande har gått utruleg raskt. «Det er fint å vera heime med Kasper, men jammen er det godt å koma på jobb igjen også», synest Victoria. Og me er alle glade for å ha ho tilbake.

Samstundes takkar med syster hennar, Henriette Tverli Dale, for kjemp flott innsats som vikar for Victoria. Frivilligsentralen har vore i gode hender i Victoria si permisjonstid. For tida er Henriette dagleg leiar for Fjord'n Arena. Me ynskjer ho lukke til med det og evt. anna arbeid i tida som kjem!



*Nøkkeloverrekking på Frivilligsentralen.
Foto: Hans Einar Markhus.*

Kveldsbibelskule

Det har denne hausten vore arrangert kveldsbibelskule på Eikelandssosen bedehus annakvar onsdag. Dette har vore veldig vellykka samlingar med god oppslutnad. Det er tanken å halda fram med samlingar også etter nyttår. Då tenkjer ein å møtast til undervisningskveld ein onsdag i månaden og meir møte/lovsongskveld ein onsdag i månaden. Følg med på lysning over nyttår og vel møtt til samlingar på Eikelandssosen bedehus.



Foto: Harald Geir Sæther



Reisa til Betlehem

Ein gong for lenge sidan vart det fødd eit lite esel i ein by som heitte Nasaret.

Då det vesle eselet var nesten ni månader gamalt, drog mor hans ut på ei lang reise saman med dei som eigde henne. Dei heitte Maria og Josef. Dei spurde Rebekka, naboenta, om ho kunne passe på det vesle eselet medan dei var borte.

Men det vesle eselet var veldig lei seg når mora hans var borte, han miste heilt matlysten. Difor gjorde Rebekka i stand mat og vatn og lovte det vesle eselet at dei skulle finne mora. Dei drog av garde for å følge etter Maria og Josef.

Vegana var fulle av folk som skulle til ulike landsbyar. «Har du sett eit esel med ein mann og ei dame?» spurde Rebekka

ein av dei. «Ja, dei gjekk forbi meg på vegen til Jerusalem,» svarte han.

Rebekka og det vesle eselet tok vegen mot Jeruselem. Snart kom dei til ein soldat som stod vakt ved eit slott. «Har du sett eit esel med ein mann og ei dame?» spurde Rebekka soldaten. «Ja, dei gjekk framom her,» svarte soldaten. «Men skund dykk av garde no. Her er viktige gjester på besøk hos kong Herodes.



– ei juleforteljing

Rebekka og det vesle eselet gjekk vidare. Etter ei stund møtte dei nokre gjetarar som passa sauene sine. «Her de sett eit esel med ein mann og ei dame?» spurde Rebekka. «Ja, dei gjekk mot Betlehem,» svarte gjetarane.

Det vesle eselet og Rebekka drog vidare. Brått var himmelen full av vakker musikk. Og dei såg ei stor stjerne som skein ned på den vesle byen Betlehem.

Då dei kom fram til Betlehem, møtte dei ein mann som stod i døropninga til eit herberge. Rebekka spurde om han hadde sett Maria og Josef og eselet.

«Ja,» svarte han. «Dei ville ha eit rom her, men det var ikkje noko ledig. Dei gjekk til stallen.» Og husverten viste Rebekka vegen ned til stallen.

Stallen låg bada i eit strålende lys, som skein frå den klare stjerna over den. Då Rebekka og det vesle eselet nærma seg, hørde dei lydar frå eselmora og av ein baby som gret.

Rebekka og det vesle eselet gjekk inn i stallen og såg Maria og Josef og eselmora. Og der, i ei krubbe, låg ein nyfødd baby. «Kva skal han heite?» spurde

Rebekka. «Han heiter Jesus,» svarte Maria.

Seinare reiste Josef, Maria og Jesus tilbake til Nasaret. Der vaks Jesus opp, og Rebekka var både leikekamerat og barnevakt.

IKO/Brian Wildsmith





PÅMELDING

til familiegudstenester på julaftan

Familiegudstenestene i kyrkjene våre på julaftan er kvart år godt besøkt. Det er kjekt! Pandemien gjev oss dessverre utfordringar i år. Me ynskjer ikkje å avvise folk på kyrkjetrappa på julaftan fordi kyrkja er full, derfor må me dette året ha påmelding til desse gudstenestene.

Påmelding til julaftansgudsteneste i Sundvor, Sævareid, Hålandsdalen, Strandvik og Holmefjord:

På e-post: post.fusa@kyrkja.no

Tlf: 56 58 01 81

Innan 11. desember

Gode medarbeidarar!

I Fusa sokn er det over 140 frivillige medarbeidarar. I pandemitida me no er inne i er det fleire nye som har takka ja til å stille opp som frivillige.

Medarbeidarane i soknet har mange forskjellige oppgåver og tenester. Om lag 40 frivillige er direkte knytte til gudstenestefeiring der dei har ulike gjeremål som til dømes leke forkynnarar, klokkarar (tekstlesarar), kyrkjevertar og andre oppgåver.

Medlemmene som er valde til soknerådet har og stilt seg til disposisjon for soknet. I tillegg til soknerådet er det andre utval, grupper og personar som gjer frivillig innsats.

Fusa sokn legg vekt på at alle skal ha ei god oppleving av å ha teneste i Fusa. Fusa sokn er heilt avhengig av innsatsen til kvar einskild av dykk. Soknet rettar stor takk til alle medarbeidarane som bruker av si fritid til teneste for kyrkjelyden. Særleg no i pandemitida har de vist med all tyngde kor verdifullt dykkar arbeid er. Utan innsatsen til dei frivillige hadde det vorte eit tamt kyrkjeliv, og mest uråd å gjennomføre til dømes gudstenester.

Me er Guds medarbeidarar. Det syner me ved å stille oss til disposisjon for Han som skal kome.



Også i år deler me ut Bibelleseplan til hjelp og støtte i vårt personlege andaktsliv.

Leseplanen for 2021 vert å finne i kyrkjene, og andre stader der det er samlingar. Ein kan og få den ved å vende seg til kyrkjekontoret i Eike-landsosen.

Tusen takk for innsatsen til kvar einskild!

Fusa sokn

[v/medarbeidarkoordinator Hartvig](#)

Adventskonsert med varm suppe!

Fusa sokn i lag med Tønnegarden steller i stand 2 adventskonsertar, **tysdag 8. og onsdag 9. desember kl. 19.00** på Tønnegarden, Samnøy.

Bandet «Sjansespel» i lag med fleire vokalistar vil i to intimkonsertar freiste å skape advent- og julestemning midt i kvardagen. Begrensa tal billetter p.g.a. smitteverntiltak. Pris er kr. 150,- pr. person inkl. servering av suppe.

Overskottet går til Fusa sokn sitt diakonale prosjekt for Brannskadde barn i Etiopia.

Påmelding til Anette-Emilie Gangstø, tlf/SMS 45280278.

Arr: Fusa sokn og Tønnegarden



Tønnegarden



DEN NORSKE KYRKJA
Fusa sokneråd



**Følg oss på
facebook**
- Fusa sokn





ADVENTS- og JULEMIX

Julekonsert

i Sundvor kyrkje med "Cimbrasso"



Etter nok en vellykket sommerturné i Vesterålen, legger trombonekvartettet Cimbrasso ut på en liten førjulsturné på Vestlandet! En av disse konsertene er **lørdag 28. november kl. 19:00 i Sundvor kyrkje.**

På programmet står spennende nye verker for trombonekvartett av Eilert Tøsse og Trygve Madsen, og en god dose nasjonalromantikk signert Edvard Grieg og Rikard Nordraak. En liten smak av jul fra de svenske skoger og russiske ballettsaler, har vi også med oss på tur.

Billetter:

Ordinær: 250 kroner Barn/student: 150 kroner

Grunnet smittevern ser vi helst at betaling skjer med Vipps, men vi tar også imot kontanter i døren. Med gjeldende avstandsregler vil det være begrenset kapasitet på dette arrangementet. Ønsker du å sikre deg plass på konserten, tilbyr vi derfor forhåndsbestilling av billetter på Vipps til 565294. Merk innbetaling med følgende informasjon:

- Telefonnummer.
- Hvilken konsert du kjøper billetter til.
- Hvor mange ordinære/barn betalingen gjelder.

Velkommen!

Nyårsaftangudsteneste!

Det er tradisjon med nyårsaftangudsteneste i **Fusa kyrkje – kl.18.00**. Vi markerer overgangen frå 2020 til 2021. Ved Einar Ekerhovd.

Vi syng jula inn

i Fusa kyrkje

sundag 20. desember kl.16.30

med «Nine lessons and carols». Koret «Sine Nominine» blir med. Dette er ein populær engelsk tradisjon for julaftangudstenester – som etter kvart også har blitt populær andre stadar i verda.

Bli med i Fusa kyrkje og opplev advents- og julesalmar og ulike skriftlesingar i tilknytning til Jesus sin fødsel.

Kollekt til Kirkens Nødhjelp.



Gudstenester

Julaftan og 1. juledag

24. DESEMBER - HUGS påmelding, sjå side 14.

kl.11.00 på Fusa bu- og behandlingssenter, ved Einar Ekerhovd.

kl.14.00 i Strandvik kyrkje – familiegudsteneste, ved Einar Ekerhovd.

kl.14.00 i Sundvor kyrkje – familiegudsteneste, ved Margunn Å. Sæther og Harald Geir Sæther.

kl 15.00 i Bygdaheimen, Holmefjord – familiegudsteneste, ved Astrid Heidal og Anders Holmefjord.

kl.16.00 i Sævareid kapell – familiegudsteneste, ved Einar Ekerhovd.

kl.16.00 i Hålandsdalen kyrkje – familiegudsteneste, ved Norunn Rød Markhus.

25. DESEMBER

kl.12.00 i Fusa kyrkje – Høgtidsmesse, ved Einar Ekerhovd. Aksel Henning Holdhus på trompet.

Det kan kome endringar i programma.



Jul i Bruktbuo

Velkommen innom julebutikken Bruktbuo. Me har alt du treng til høgtida, både gaver, pynt og klede. Hos oss kan du finne alt frå moderne julepynt til bestemors gamle juleservice. I Bruktbuo kan du kjøpe gaver med ein historie. Det kan til dømes vera ei bukse som har fått nytt liv ved å bli til eit handlenett. Ved å handle lokalt hos oss er du også med å støtte Fusa sokneråd sitt barne- og ungdomsarbeid, og brannskadde born i Etiopia.

Ta julehandelen hos oss.

Våre opningstider er:

Torsdag:	12 – 18
Fredag:	11 – 17
Laurdag:	11 – 14



Bruktbuo



La brukt bli brukt

SPAR 

Fusa

Man-fre **8-21**
Lørdag **9-20**

Tlf. 56582133
spar.fusa@spar.no

Velkommen til hyggelig handel hos Spar Fusa!

ASVO Fusa AS

www.asvofusa.no
post@asvofusa.no
tlf.: 56 58 14 18

5640 EIKELANDSOSEN

Er ei allsidig bedrift som driv med sal og produksjon

- Montering av mekanisk komponentar
- Fyringsbriketter og opptenningsveg
- Blomekassar, sandkassar og varmpumpehus
- Høvleri
- Listeproduksjon
- Plenslåing

Me har moderne maskiner for å trevareproduksjon og tek gjerne imot oppdrag for Dykk!

Alltid god service og rimelege prisar!



BYGGADMINISTRASJON
Harald Bjørndal a.s

PROSJEKTADMINISTRASJON - TAKSERING - KVALITETSUTVIKLING - OPPLÆRING

Tlf. kontor: 56 58 11 30
Tlf. privat: 56 58 51 19
Telefax: 56 58 11 99
Mobil: 970 63 526
E-mail: post@byggadmin.no

Postboks 103
5649 EIKELANDSOSEN

VARMEPUMPER, JERNVARER, HVITEVARER, BRUNEVARER,
BILUTSTYR, BÅTUTSTYR OG FISKEUTSTYR

Tlf 5658 1386 - Fax 5658 1656 - Mob 9054 4766
BERGE ELEKTRONIKK

Opningstider: **Man-Fre 10-17, Tors 10-18 og Lør 10-15**



Norheimsund
TRYKKERI AS

Steinsdalsvegen 187 A
5600 Norheimsund

Tlf. 97 59 24 88

E-post: post@nhstrykk.no

Alt i trykksaker



MALERMESTER

ALF HJELLE & SØNN AS



Utfører alt i maler- og golvbeleggarbeid

Butikk i Fjord'n Senter

FARGERIKE
HJELLE

Åpningstider: Kvardagar kl. 10.00 – 18.00
Laurdag kl. 10.00 – 16.00

Tlf. 56 58 15 25 eller 915 46 880
E-post: firmapost@alfhjelle.no

VESTLANDSKE LIMTRE
INDUSTRI AS

5642 HOLMEFJORD
Tlf: 56 58 07 99
Tlf: 56 58 07 91

Spesialist på trekonstruksjoner
Limtre – beslag – takstoler - takverk

post@vlimtreno.no

www.vlimtreno.no



1970-2015 Tradisjon for kvalitet i 45 år

Din leverandør av takkonstruksjoner og precut

L. HJERTNES AS



5646 Nordtveitgrend • Tlf: 56 58 20 60
E-post: post@lhjertnes.no
www.lhjertnes.no

FUSA AUTO A/S
BILVERKSTAD



Fusa Auto AS

Opsalneset 20, 5641 Fusa
Tlf. 56 58 22 86
Opningstid: mån-fre 07:30-16:00



www.meca.no

M E C A



P. H. Haugen
Landhandel - Sævareid
tlf. 56583110

e-post:
narbutikken.severeid@narbutikken.no

Fusa 
Ferdigbetong as
5640 Eikelandsosen

Betongpumping - ferdigbetong
sand - singel - grus
transport - maskinarbeid
betongprodukter m.m.

Tlf. 56 58 13 10
Mobil 913 65 482 / 951 87 421
E-post: post@fusabetong.no



REISENE BESTILLER
VI HOS:

TRAVELNET OS REISEBYRÅ AS

Boks 274 - 5203 Os
Tlf.: 56 30 43 00
e-post: os@travelnet.no
www.verden.no

Følg oss på Facebook 

DE Rørleggerservice

5645 Sævareid

Mobil: 915 87 002

E-post: deror@online.no



Sentralgodkjent rørleggerfirma

Solheim Elektro as

5642 Holmefjord

- Alt innen elektro
- Termografering og kontroll av elektriske anlegg
- Sertifisert av Det Norske Veritas



Telefon 91 71 84 91

E-post havard@solheimelektro.no
www.solheimelektro.no





Tønnegarden



Samnøyvegen 57 - 5642 Holmefjord
Tlf. 91 99 30 40

post@tonnegarden.no - www.tonnegarden.no

- Tønneproduksjon før og no.
- Selskapslokale, kurs og møtelokale.
- Servering av tradisjonsmat. Steinomnsbakst.
- Catering -middag, koldtbord, snittar mm. Kaker og lefser.

  Følg oss på facebook og instagram.



Tombre

www.tombre.no

SPAR

Eikelandssosen

Opningstid **8-21**

Laurdag **9-20**

Tlf. 56 58 00 90

BUNNPRIS

Eikelandssosen

Man - fredag **8-21**

Laurdag **9-20**

Tlf. 56581245

bpeikelandssosen@bunnpris.no



5643 STRANDVIK

Tlf. 56 58 00 70 Fax 56 58 00 79

E-post: post@leiglandbygg.no
www.leiglandbygg.no

Fusa og Samnanger

GRAVFERDSBYRÅ

OMSORG VED LIVETS SLUTT

DØGNÅPEN TELEFON

56 58 15 09

SE MINNESIDER PÅ FS-BYRAA.NO
BESTILL BLOMSTER FRAKTFRI TIL VÅRE SEREMONIER
VIA MINNESIDENE, PÅ HILDESBLOMSTER.NO
ELLER VIA TELEFON 55 19 72 05

Besøk vår heimeside
www.fusa-kraftlag.no

Din lokale kraftleverandør

Fusa kraftlag

5640 EIKELANDSSOSEN
Tlf. 56 58 00 20

 Sparebanken Vest

avd. Fusa

Tlf. 915 05555

Din lokale bank med
forsikring, lån,
sparing og plassering.

VI ER HER
www.spv.no

 Hordaland A/S
Rørteknikk / S 

 56 58 09 90  hordalandrorteknikk.no

 post@hrt.as  Holsundvegen 285
5642 Holmefjord

Din VVS, VA, Vannkraft og Havbruk
leverandør.

Godkjent lærebedrift i rørleggerfaget.



Gudstenester i Fusa sokn

29.11.2020 - 21.02.2020

Dato	Kl.	Stad	Gudstenesteform	Kyrkjeåret
November				
29.11.	11:00	Eikelandsosen bedehus	Familiemix	1. søndag i adventstida
Desember				
06.12.	11:00	Fusa kyrkje	Gudsteneste	2. søndag i adventstida
13.12.	11:00	Hålandsdalen kyrkje	Gudsteneste	3. søndag i adventstida
13.12.	16:30	Sundvor kyrkje	Gudsteneste	3. søndag i adventstida
20.12.	16:30	Fusa kyrkje	Nine Lessons and Carols	4. søndag i adventstida
24.12.	11:00	Fusa BBS	Julaftangudsteneste	Julaftan
24.12.	14:00	Strandvik kyrkje	Julaftangudsteneste	Julaftan
24.12.	14:00	Sundvor kyrkje	Julaftangudsteneste	Julaftan
24.12.	15:00	Bygdaheimen	Julaftangudsteneste	Julaftan
24.12.	16:00	Sævareid kapell	Julaftangudsteneste	Julaftan
24.12.	16:00	Hålandsdalen kyrkje	Julaftangudsteneste	Julaftan
25.12.	12:00	Fusa kyrkje	Høgtidsgudsteneste	1. juledag
31.12.	18:00	Fusa kyrkje	Kveldsgudsteneste	Nyårsaftan
Januar				
01.01.	12:00	Hålandsdalen kyrkje	Gudsteneste	1. nyårsdag
03.01.	11:00	Fusa kyrkje	Gudsteneste	Kristi openberringsdag
03.01.	16:30	Sundvor kyrkje	Gudsteneste	Kristi openberringsdag
10.01.	11:00	Eikelandsosen bedehus	Familiemix	2. søndag i openberringstida
17.01.	11:00	Fusa kyrkje	Gudsteneste	3. søndag i openberringstida
17.01.	16:30	Sævareid kapell	Gudsteneste	3. søndag i openberringstida
24.01.	11:00	Strandvik kyrkje	Gudsteneste	4. søndag i openberringstida
24.01.	19:00	Eikelandsosen bedehus	Ungdomsgudsteneste	4. søndag i openberringstida
31.01.	11:00	Hålandsdalen kyrkje	Gudsteneste	Såmannssundagen
Februar				
07.02.	11:00	Sundvor kyrkje	Gudsteneste	Kristi forklåringsdag
07.02.	19:00	Fusa kyrkje	Kveldsgudsteneste	Kristi forklåringsdag
14.02.	11:00	Eikelandsosen bedehus	Familiemix	Fastelavnssundag
21.02.	11:00	Fusa kyrkje	Gudsteneste	1. søndag i fastetida
21.02.	16:30	Sævareid kapell	Gudsteneste	1. søndag i fastetida
21.02.	19:00	Eikelandsosen bedehus	Ungdomsgudsteneste	1. søndag i fastetida

Frå **KYRKJEBØKENE**



Dåp

Fusa kyrkje

20.09.2020 Jonathan Rosvoll Hefferan
20.09.2020 Viktor Stene Kolle
20.09.2020 Maja Hjelle Svendsen
18.10.2020 Johanna Strømmen Reknes

Sundvor kyrkje

26.09.2020 Brage Tveit

Strandvik kyrkje

20.09.2020 Johanne Sternhoff Leigland



Gravferd

Sundvor kyrkje

02.10.2020 Bjørg Eva Lygre, f. 08.05.1937

Fusa kyrkje

08.10.2020 Johannes Rød, f. 06.10.1941

Hålandsdalen kyrkje

09.10.2020 Sylvia Betty Bjaanes, f. 31.03.1933
14.10.2020 Mally Kilen, f. 11.12.1922



Informasjon

Avsendar:
Fusa kyrkjeblad
Postboks 73
5649 Eikelandsosen



**Ein gong
sa Gud til mørkret:
-eg vil syna deg
eit lite barn-
Og det vart Lys.**

«Ein gong» av Anders Holmejord